

Idioma sardo

O **sardo** (*sardu*) ye una luenga romance occidental charrata en Cerdenya (Italia) por 1.350.000 presonas. Comparte características, sobretot, con as luengas romances ibericas, antimás con o italián. Ye considerata una d'as luengas romances més arcaicas, porque ha conservatas as vocals breus *i* y *u* latinas, as que en altras luengas romances se convirtieron en *e* y *o*.

Contenius

Dialectos

As suyas características més importants

L'ortografia

Eixemplo

Lexico

Dialectos

A luenga sarda se divide en quatro principals variedatz:

- Arborés, en a parte centro-occidental y en a norte d'o su Campidanu de Mesu
- Campidanés, en a parte meridional d'o su Campidanu de Mesu
- Logudorés, charrato en o centro-norte d'a isla en a rechión d'o Logudòro
- Nugorés, en a parte centro-oriental.

O sasarés se charra en Sassari y fa part chunto con o gallurés d'una transición lingüística enta o corso. Carlo Tagliavini considera que estas parlas de transición s'han orichinato sobre un substracto "pareixito a lo sardo" por un proceso historico que las ha feito amanar-se a lo corso y lo italián por antigas relacions con a Republica de Pisa.

As suyas características més importants

Sardo

Sardu

Parlato en: Cerdenya (Italia)

Territorios: Europa.

Parladors: 1.350.000


Filiación: Indoeuropea

Italica

Romanica

Sardo

Estatus oficial

Luenga oficial en:  Cerdenya

Codigos

ISO 639-1 sc

ISO 639-2 srd

ISO 639-3 srd

SIL srd (http://www.ethnologue.com/show_language.asp?code=srd)



Estensión d'o Sardo

- Sistema vocalico de 5 vocals (como en castellán): *a, e, i, o, u*, reduciéndose en posición atona a tres (*a, i, u*) en a maioría d'os dialectos.
- Conservación d'as vocals breus *i* y *u* latinas: DIGITUS > *didu* ('dedo').
- Conservación en bellas palabras o sonidos velar d'a C /k/ o G /g/ latinas: VOCEM > *boghe*.
- Sonorización d'as consonantes oclusivas xordas intervocalicas (tamén as iniciais en a fala): VITA > *bita* /bída/ ('vida'), PAUCUS > *pagu*, IPSA CULTURA > *sa curtura* /sagurdúra/.
- Betacismo: os sonitos /b/, /w/, /kw/, /gw/ iniciais latinos pasaron a /b/: VERUS > *beru*, LINGUA > *limba* ("luenga"), QUATTUOR > *batoro*.
- O grupo *ll* pasou a /dd/, un sonido especial pronunciado con a punta d'a lingua en o punto máis alto d'o paladar: FABULARI (> bulg. *fallare*) > *faeddare* (fenómenos análogos a la che vaqueira).
- Os grupos iniciais CL-, FL- y PL- latinos pasaron a *cr-*, *fr-*, *pr-*: CLAVE > *crae*, FLORE > *frore*, etc.
- Conservación d'a *t* final d'os verbos (con vocal epentética).
- Adición d'una vocal epentética (amanada a la zaguera vocal d'a palabra) a la fin d'as palabras que rematan en consonante (esta vocal non aparece en a escritura): *est* /ésti/ ('ye'), *cantat* /kántada/ ('canta'), *sardos* /sárduzu/, etc.
- Vocal protética an as palabras latinas que principiaban con S+consonante: SCRIBERE > *iscríer*.
- L'artículo definitivo *ye salato*, *ye dicir*, *viene* d'as formas d'o latín vulgar IPSO, IPSA, IPSOS, IPSAS > *su*, *sa*, *sos*, *sas* (en o dialecto campidanés, o plural *ye* sempre *is*): *su sardu*, *sos sardos* (u *is sardus*), *sa limba*, *sas limbas* (u *is limbas*).

L'ortografía

- O sardo non ten unha ortografía unificada, por iso unha palabra puet ter quantas formas escritas (por exemplo: *bita*, *vita*, *bida*, *vida*, pero a pronunciación *ye* sempre a mesma: /bída/.)

Eixemplo

D'a Declaración Universal d'os Dereitos Humanos:

Totu sos èsseres umanos naschint lìberos e eguales in dinnidade e in deretos. Issos tenent sa resone e sa cussèntzia e depent operare s'unu cun s'àteru cun isprìritu de fraternidade.

Pronunciación:

/Tótu-zuz-éssiriz-umánuzu náskinti líberuz-e iguáliz-in dinnidadi e in derétuzu. Íssuzu ténintiza rezóni e-za-gusséntsia e débinti operári z'unu cun s'àteru cun isprìritu de fraternidádi/

Lexico

Bi ha palabras latinas que només conserva que o sardo en o lexico patrimonial:

- *domo* ("casa"), *yuba* ("melena"), *porkavru* ("chabalín", de *PORCUS APER*), *kitto* (d'o latín *CITTUS*), *koyuare* ("casar-se", d'o latín *CONIUGARE*).

O lexico sardo presenta catalanismos y bell aragonesismo que s'introducioron en o periodo que Cerdunya pertanyó a la Corona d'Aragón, y tamién bell castellanismo d'un periodo més tardano, en o que o castellán eclixó a las atras luengas d'o "Imperio Espanyol".

A presencia d'os iberorromances estió més fuerte en os centros de Gallura y d'a redolata de Sasser. Muitos sardos escribiban en catalán, que representaba pa ells a luenga de cultura. Dimpués se desvinió o mesmo con o castellán, que estió dica l'anyo 1764 a luenga oficial d'os tribunals y as escuelas. Os catalanismos son freqüents en a terminolochía d'administración, d'a ilesia u d'a pesca.

Os catalanismos, aragonesismos u castellanismos se troban superpuestos con as formas chenuinas sardas, a las que a vegatas han sustituito u las han feito restrinchir-se a rechions marguinals u rechions montanyosas d'o interior.

- Por eixemplo en a zona d'o Macizo de Gennargentu se conserva a parola sarda *fronesta* ("finestra"), sustituita por o castellanismo *ventana* en quasi tota a isla.
- Més localizata tenemos *calentura* en a redolata de su Campidanu de Mesu, que corresponde con *freba* en sardo logudorés d'o Macizo de Gennargentu.
- O latín *Caryophyllum* dió en logudorés *kolovru* y en nugorés *korófulu*, formas que perdieron terreno debant de *gravellu* u *gravel'u* d'o campidano y tamién nugorés, y que se relacionan con o catalán *clavell*.

Intresants son os catalanismos *trona* ("predicadera") y *seu*, representando este zagüero tamién un aragonesismo (como la "Seu de Sant Salvador de Zaragoza"), a l'egual que ye un aragonesismo en sardo *cardelina*. A parola pa dicir "chuez" ye en campidanés *guggi* y en nugorés *žuzže*, coincidiendo una forma de l'aragonés medieval *chuche* y o catalán *judge*

Luengas romances

Aragonés | Arrumán | Astur-leyonés | Castellán | Catalán | Corso *incluindo o gallurés* | Chodigoespanyol | Dalmata | Francés *incluindo o diasistema d'as luengas d'oïl con o Borgonyón, Campanyés, Franco-Contés, Galó, Lorenés, Normando (Guernesíes, Jèrriais y Anglo-normando), Petavín-Santonchés, Picardo y Valón* | Francoprovençal | Friulán | Gallego | Istriot | Istrorrumán | Italian | Ladín | Ligur | Lombard | Meglenorrumán | Napolitán | Occitán *incluindo o gascón y l'aranés* | Piemontés | Portugués | Rumanch | Rumán | Sardo *incluindo o sasarés* | Secilián | Venecián

Obtenito de "https://an.wikipedia.org/w/index.php?title=Idioma_sardo&oldid=1612017"

Zagüera edición d'ista pachina o 4 chun 2018 a las 18:11.

O texto ye disponible baixo a Licencia Creative Commons Atribución/Compartir-Igual; talment sigan d'aplicación clausulas adicionales. Mire-se os termins d'uso ta conoixer más detalles.